

DOKUMENTI KONSULTATIV

1. Për projektligjin “Për Burimet Ujore”

Agjencia e Menaxhimit të Burimeve Ujore, në kuadër të procesit të konsultimit për projektligjin “Për Burimet Ujore” mirëpret sugjerimet nga qytetarët, ekspertë të fushës, nga të gjitha institucionet e interesuara, organizata jofitimprurëse etj.

Kohëzgjatja e konsultimeve:

Konsultimet në portalin e Regjistrimit Elektronik: 40 ditë pune, duke filluar nga 27 maj 2022

Si të përgjigjeni:

Kontributet që në kuadër të procesit të konsultimit dhe përmirësimit të përmbajtjes së projektligjit, do të përcillen nga institucionet e interesuara nëpërmjet postës elektronike drejtuar Agjencisë së Menaxhimit të Burimeve Ujore, me anë të regjistrimit elektronik në adresën <http://www.konsultimipublik.gov.al>, në adresën postare të Agjencisë së Menaxhimit të Burimeve Ujore, Bulevardi “Zhan D’Ark”, Prona nr 33, Shtëpia e Ushtarakëve, Tiranë, në adresën e emailit të koordinatorit për konsultimin publik irma.themeli@ambu.gov.al, si dhe nëpërmjet komenteve të drejtpërdrejta në tryezat e konsultimit të zhvilluara nga Agjencia e Menaxhimit të Burimeve Ujore.

Kontakti:

Irma Themeli, Koordinatore për konsultimin publik në AMBU: irma.themeli@ambu.gov.al
Greis Dragoti, Koordinatore për të drejtën e informimit në AMBU: greis.dragoti@ambu.gov.al

Datat dhe vendet e takimeve publike:

E-Konsultimi: në portalin “Regjistri Elektronik për Njoftimet dhe Konsultimet Publike” 40 ditë pune, duke filluar nga data 27 maj 2022.

Tryeza konsultimi me grupet e interesit në nivel baseni lumor të cilat do të fillojnë të zhvillohen brenda muajit qershor 2022

Sfondi i propozimit legjislativ

Me anë të ligjit aktual nr.111/2012 “Për menaxhimin e integruar të burimeve ujore”, është përafuar plotësisht vetëm Direktiva 2000/60/EC “Ngritja e një kuadri ligjor për veprimet e komunitetit në fushën e politikës së ujërave”, e Parlamentit Evropian dhe e Këshillit të

Evropës e datës 23 Tetor 2000, ndërsa projektligji i propozuar “Për burimet ujore” së bashku me aktet nënligjore në zbatim të tij synon të përafrojë plotësisht direktivat e BE-së në fushën e ujit. Me qëllim plotësimin e kuadrit ligjor përkatës dhe duke konsideruar rëndësinë e përafërimit të plotë të legjislacionit në fushën e menaxhimit të burimeve ujore me atë të Bashkimit Evropian propozohet ky projektligj.

Propozimet

Projektakti synon rregullimin e të gjitha çështjeve që lidhen me menaxhimin e burimeve ujore, si përcaktimin e organeve përgjegjëse, standardet e cilësisë mjedisore lidhur me ujërat, çështjet që lidhen me monitorimin e ujërave, si dhe rregullimin e çështjeve të lidhura me përdorimin e burimeve ujore me leje apo autorizim.

Ky projektligj synon:

- Përcaktimin e kuadrit ligjor dhe institucional për administrimin dhe menaxhimin e burimeve ujore me synim mbrojtjen e burimeve ujore të Republikës së Shqipërisë duke siguruar ruajtjen, zhvillimin dhe shfrytëzimin sa më racional të tyre, të domosdoshme për jetën dhe për zhvillimin social ekonomik të vendit;
- Mbrojtjen e ujërave sipërfaqësorë duke përcaktuar objektivat e cilësisë mjedisore për ujërat sipërfaqësorë;
- Mbrojtjen e ujërave nëntokësorë nga ndotja dhe përkeqësimi duke përcaktuar objektivat e cilësisë mjedisore për ujërat nëntokësorë;
- Krijimin e Regjistrit të Zonave të Mbrojtura që përfshijnë masa të veçanta ruajtjeje me qëllim mbrojtjen e ujit dhe ekosistemeve ujore;
- Përcaktimin e rregullave për monitorimin e ujërave sipërfaqësorë, nëntokësorë dhe zonave të mbrojtura;
- Përfshirjen aktive të të gjitha palëve të interesuara për zbatimin e këtij ligji, veçanërisht sa i përket hartimit, rishikimit dhe përditësimit të planeve të menaxhimit të burimeve ujore;
- Kontrollin e ndotjes;
- Përcaktimin e standardeve të cilësisë mjedisore me qëllim arritjen e statusit të mirë kimik në të gjithë trupat ujorë sipërfaqësorë;
- Vlerësimin dhe menaxhimin e riskut nga përmbytjet dhe mbrojtjen nga përmbytjet;
- Përcaktimin e rregullave për përdorimin e burimeve ujore dhe përgjegjësiive të institucioneve lidhur me lëshimin e lejeve dhe autorizimeve përkatëse.

Pyetjet

Çështjet kryesore që mendojmë se duhet të diskutohen lidhur me këtë nismë janë:

- Si mendoni për përcaktimin e kuadrit institucional për administrimin dhe menaxhimin e burimeve ujore?

- A vlerësoni se kjo nismë realizon mbrojtjen e burimeve ujore të Republikës së Shqipërisë duke siguruar ruajtjen, zhvillimin sa më racional të tyre?
- A mendoni se masat e përcaktuara në zbatim të këtij projektligji përmbushin një ndër qëllimet e këtij projektligji që është është përforcimi i mbrojtjes dhe përmirësimit të mjedisit ujor?
- Si mendoni se janë rregulluar çështjet e lidhura me përdorimin e burimeve ujore?
- Si mendoni për përfshirjen aktive të të gjitha palëve të interesuara për zbatimin e këtij ligji?
- A ka elementë të tjerë që duhet të përfshihen në projektligj?